



左傳考

三

口 12  
980  
3 止





12  
980  
3



左傳考卷之三

日本近江宇士新士朗先生說

門人越後片猷輯

昭公元年經楚子麇卒

楚子實弒而書卒其義未聞杜氏牽強以子駒殺

鄭伯為例何哉

同傳蒲宮有前不亦可乎

服虔曰蒲宮楚君離宮令尹在國已居此宮出有

二戈不亦可乎孔云事無所出然杜說亦無所據

則服說似近服云慙憂也二子伯州犂子羽

明治  
月 年  
日 未





同小國共

共是供給之共也杜以為恭非也

同衛而惡之吾又甚焉

王震曰衛社稷而禍之又甚於墻壞也

同帶其褊矣

說文曰褊衣小也今裂裳帛故恐其帶之也短而

急焉

同其誰從之

謂不復能處不避汚出不逃難也註誤

同吳濮有釁云云

釁，隙也。吳濮與楚有釁也。不必鮮過。

同棄神人矣

忽祀棄民也。故下云神怒民叛。註非。

同欲羸而惡置乎

王震曰貪利者不得避羸以諭季氏貪於取邑宜

受慢

同天贊之也註贊佐助也

何不註於天所贊也

同崇卒也

王震曰崇尚也尚步卒



同共車必克云云

共猶當也言彼之徒卒十人共我車一乘則彼必克而又相困於阨徒利車不便則彼又克故謂我亦去車為卒也兩伍專參偏服虔引司馬法似可據言變此車數以為步陳也

同居于曠林

賈逵曰曠大也

同其季世曰唐叔虞云云

李光縉曰上唐叔虞乃後為成王所滅者非下文姜邑所生

同又何為焉

謂無為祭於山川星辰之神也

同四姬有省猶可

謂去其同姓者註迂且不通

同楚靈王即位註易名熊虔

熊蓋楚王之氏楚不用周禮故不氏國取

二年經叔弓如晉

叔弓叔老子何不註於元年

同傳註儒道廢諸國多闕

儒道是後世之語當曰先王之道



同有嘉樹為宣子譽之

服虔曰譽游也宣子游其樹下夏諺云一游一譽按此於下文為切又詩燕譽

同乘遽而至

五雜俎云子產乘遽而至則似單馬騎矣釋文以車曰傳以馬曰遽子產時相鄭國豈乏車乎懼不及故乘遽其為驛馬無疑矣

同國則不共

國謂齊國言以為不共者是齊國非其使之罪而執其使者是刑之頗也

三年傳不敢擇位而數於守適

是自鄭言之不然敢字不通使大夫受妾非晉命之以晉無文襄之禮事好自尊故鄭畏之不敢擇位也故梁苒謂之甚

同若而人

解已見

同吾弗知齊其為陳氏矣

愚謂此言吾弗知齊可復振唯為陳氏之是知也同陳氏三量

同蓋以區金鐘三者為量也



同註八姓云云

同當曰八氏

同君曰不悛以樂怡憂

朱曰晉日復一日不復悛改怡之言怡也又韜也故訓為慢又為藏訓雖各異音義實相通然訓為藏者迂矣

同諛鼎之銘云云

困學紀聞云諛鼎服氏註疾諛之鼎明堂位取云崇鼎也一說諛地名禹鑄九鼎於甘諛之地正義謂二說無據愚考韓子說林曰齊伐魯索說鼎云

云新序呂氏春秋皆曰岑鼎二字音相近然則諛鼎魯鼎也明堂位魯有崇鼎服註不為無據

同既已告於君

已與以通

同卒復其舊宅

朱曰使掌宅之人以其里宅還舊居者

同遇懿伯之忌

忌忌日也

同小邾穆公來朝季武子欲卑之云云

社意蓋為卑逆一小邾是亦卑逆群國也未可已



蓋焉字屬下句謂卑小邾何以逆群國乎  
四年傳大室註在河南陽城縣西南  
河南當於上陽城縣言之在下倒矣

同中南

即終南也一統志云在西安府城南五十里連互  
藍田咸寧長安盩厔四縣之境西安於晉為京兆  
郡其在武功縣南九十里者乃太白山也高士奇  
曰終南山互鳳翔岐山郿縣武功盩厔鄠縣長安  
咸寧藍田之境然則大白與終南相接故鄠道元  
水經註亦誤而混之不獨元凱也

同將墮幣

隨許規反輸也詳于正義鑿謂徒臥反落也言於  
野相見則是委其幣於草莽也杜意謂據經書太  
子佐則此事當在會前故有此解尔然未必然  
同敝將若之何

言其敝愈益貪耳謂不可久行非也

同宣伯曰魯以先子之故

宣伯穆子是莊叔得臣之子曰宣伯先人若不知  
其名者又若非穆子兄者何也

同願之久矣



願奉文祀也宣伯雖兒不須讓之故其言如此註  
非

同皆召其徒使視之遂使為豎

傳不言此夢則事不明故言之也非為從夢未必  
吉也

同求之而至又何吝焉

鑿謂言豎牛固其所自求而得之者也非食之謂  
註誤

同不亦左乎

左是左道左官之左非正也謂不便者非

五年傳註罷中軍季孫稱左師云云

魯之軍名於傳無明文杜以臆強牽當刪

同不敢自也

不敢自朝也嫌自己之自故曰從也然不明

同使亂大從

服云使亂大和順之道也近是大從猶大倫乎

同將以赦罪

朱曰欲以此免其罪

同示卜楚丘註楚丘卜人姓名

姓名當曰名氏然楚丘似是其名卜人多不稱族



且已見前

同公室四分民食於他

言公不有民也謂與民無異非也民食於他言民

貢稅於三家也

同禮之本末將於此乎在

言禮之本末皆失也

同考之以先王

不須解

同加之以禮

加禮於楚也 重之以睦 與楚親也

同誰其重此

言事莫重焉也

同臣曰可矣

朱曰以我言之可謂盡矣

同謂行以觀王怒之疾徐云云

朱申以行字絕句

同其庸有報志

愚謂庸功也言卜之功報吳欲知楚王之疾徐之志也註恐非

同六年經犯伯益姑卒



益姑蓋與駘姑同當時人名多不可知其義者此  
名亦然

同傳使治子產書

使去声自作書遣使者以詒之也

同奉之以仁

奉承也

聳之以行

聳勸也動也忠行務和敬彊剛皆就上之人言教  
之以務愚謂務者平常之所動也杜氏謂時所急  
是與前後不相應

同女夫也必亡

夫猶言丈夫也女夫也者反語以調之

七年傳不用善

朱曰不用善人愚謂雖有政不以善也

同使長鬣者相

說文儼長壯儼二也少人鬣声引春秋傳長儼者  
相之徐按杜預左傳註鬣多須也許氏在杜註長  
鬣前故義或與今註有異

同好以大屈

服虔曰大屈害金可以為劍魯連書曰楚子享魯



侯于章華與之大曲之弓大屈殆所謂大曲之弓  
同夢黃熊入于寢門

王震曰說文熊音奈三足鼈也舊作熊者非按諸  
家說或獸或鼈未可知也不知王震何以斷為三  
足鼈耶

同以易原縣於樂大心

蓋以州田賜樂大心而韓自取原縣

同註相尚以奢

何所據言之

同正考父註弗父何之曾孫

弗父字何名正考父未詳其為名為字父貴之之  
稱也

八年傳抑臣又聞之

愚謂抑字古來釋之者皆不得辭朱子曰抑反語  
辭是得之矣今謂之疑辭大不然

同舜重之以明德

史記索隱曰舜有明德為天子殷封遂代守之亦  
舜德也宋忠云虞思之後箕伯直柄中衰殷湯封  
遂於陳以為舜後是也虞思舜後賈逵以幕為虞  
思非也



九年傳注甘人甘大夫襄也

甘人非襄也何以言之下文云執甘大夫襄以說於晉語勢可見已

同戎焉取之

猶言取之於戎也焉如字言晉之便戎入郊甸是同以戎取之耳諸家解皆非

同雖戎狄其何有余一人

朱曰言晉侯至親猶自如此則雖戎狄其何有恩義於我無可責也愚謂是與杜註皆不分明言戎狄之賤固宜不敢蔑矣今伯父既如此則雖戎狄

之賤其何不蔑我也

同註宗周天子

贅可刪

同事有其物

若祭則敬喪則哀是也

十年傳居其維首

謂務星也

同星斯於是乎出

斯疑蠡斯之斯更當考

同彼雖不信



彼謂子旗子良言二子雖常不信傳言然今聞授甲則不疑也

同庸愈乎

庸亦何也

同戰于稷云云敗諸莊

齊有稷門有莊嶽稷莊皆地名杜註可刪

同注既葬未卒哭云云

謂卒哭即除服去是杜氏之臆

同我則不足

言子產優知之而我知之且不足也

同我實縱欲

欲因喪以慶新君者欲也不從子產之諫者縱也  
十一年經註以楚子名告

楚子之名恐是衍字禮諸侯不生名滅同姓名僖  
二十五年衛侯燬滅邢傳曰同姓也故名此外諸  
侯無有生名者獨此楚子名而傳不發義故云恐  
是衍字或曰滅同姓名者惡之也楚子於蔡雖不  
同姓而誘而殺之刑其群士又用其世子是凶暴  
之甚者故特名之以惡之也  
同傳是以無拯不可沒振



言楚子非言天有五林不可沒振不可沒世而振也

同物以無親

朱申句解作物無以親物入也

同五大不在邊五細不在庭

賈逵曰五大謂太子母弟遺寵公子公孫累世正卿也五細謂賤妨貴少陵長遠間親新聞舊小加大也此唯以意言耳然杜亦無明文所據

十二傳吾固師諸侯矣

朱曰晉侯為伯主固為諸侯師矣

同注既葬則為免喪

是與上在衰經之中注同

同事不善不得其極

凡事以善為準極故曰事不善不得杜云失中德謬

同供養三德為善

陸粲曰三德當作二德二德謂忠與恭也謂剛柔正直非

同已乎云云

服虔曰決絕之辭歌者自言其意



同剝圭

剝削也。剝圭為斧柄，何疑謂破以飾之者非。

十三傳如違之以待所濟

鼎按言若能為靈王死亡，則可違蔡公之命也。蔡公之濟不待衆之從，與違也。則違之徒取死亡耳。言以待所濟者，蓋教之也。

同殺君司馬

朱曰：國人已殺我主，及司馬弃疾非也。君司馬君之司馬也。

同先神命之

先神謂先祖之神，如群望，豈可謂先神乎？同其貴亡矣。

亡，失也。言不在國也。若從杜鮮，則以無訓是文理不順。

同註獻公王，卿士劉子

劉子二字可刪。

同奉壺飲水云云

瑯邪代醉風俗通曰：箭箛謂之步，左氏謂之水。註曰：積丸也。廣韻謂之鞬，邢凱曰：杜預以水為箭箛，初疑其不然。及觀詩大叔于田，抑釋柎忌，註音水。



馬氏云橫圓蓋也今韻畧註云箭房之蓋棚通作  
水乃知杜之說有據也

同執其老

老尊卿稱註贅可刪且王之卿士諸侯之卿並謂  
之老雖尊之之稱亦自稱之也

十四傳任良物官

鄭衆云物官相其才之所宜而官之是也杜注不  
是

同士景伯如楚云云

外傳士景伯如楚叔魚為贊理註云景伯士彌牟

如楚聘也邢侯巫臣之子巫臣奔晉晉與之邢  
子楚大夫奔晉晉與之郟爭郟田之疆界也郟許

六切又救六切謂殺其生者而戮其死者註云  
陳尸為戮邢侯聞之逃遂施邢侯氏而尸叔魚

與誰子於市註云施施劫捕也死時在朝故尸於  
市

同義也夫可謂直矣

朱曰能以義斷恩也猶義也夫朱曰三數其弟之  
惡疑於傷義故再言猶義也夫蓋以明大義滅親  
也



十六傳幾為之笑

幾音居豈反又音機與幾千人而國不也同句法  
正義以為幾度之幾固杜之意也非是

同刑之頗類

類種族也論語有教無類是也服虔云類讀為類  
類不平也亦通

同使命之聽

使如字朱曰遣使於大國而不肯行此註意實與  
杜同皆非也蓋遣使於他邦而其命不聽於主人  
也子產耻之故每鍊論語所載可見也

同罪及而不知

朱曰罪及於身而不自知亦非也言諸侯或罪鄭  
國而我不知也

同鄭鄙邑也

言設使鄭固晉之鄙亦不為也註誤矣

同皆昵燕好也

昵於燕好也註迂且不通

十七傳註青鳥鶻鶻也云云

鶻鶻疏云鶻鶻也日本多此鳥而其鳴無時則疑  
非此鳥也



同賜鳩氏司馬也爽鳩氏司寇也

爽鳩是搏同類者故以為刑官賜鳩是捕異類以命司馬其有別也何關兵事故曰法制以飾其說耳

同註警戒以備戎也

註疏戎作戎下注先警戒備戎作戒

十八傳閔子馬

魯大夫閔馬父也

十九經許世子止弑其君買

許止弑君其故毒之與誤用藥物是未可知亦未

必論均是弑也即無弑心亦過之大者其可赦耶

此其所以出奔而不免弑逆之名也而其過不在

進藥而在不知安用尔君子所言汎論之非獨惜

其不舍藥物也所謂舍藥物可也者有所懲以自

慎之辭非謂藥物必當由醫人子不可親用也或

謂止實不殺聖人特借止以垂教或謂止實弑之

傳文不足信皆不善讀之過尔

同傳註投繩城外隨之而出

娶隨繩而出也然是本文所無正義雖辨之不可

從也娶密投繩何必死焉



二十傳己丑日南至

當為正月而史失閏故在二月非當言正月也經雖無事必書正月非關日南至而傳唯書南至之月耳

同而鄙以待之

而如也訓往

同雖其不善吾亦知之云云

雖字貫二句

同使華齊御公孟

華齊上使字當刪正義詳之

同賜北宮喜謚曰貞子

王世貞云生而豫賜謚北宮貞子析朱成子也蓋誤讀傳及註耳

同齊侯疥遂疢

顏子家訓曰左傳曰齊侯疥遂疢說文曰疢二日一發之癩疢有熱虐也案齊侯之病本是間日一發漸加重乎故為諸侯憂也今北方猶呼疢虐音皆而世間傳本多以疥為疥杜征南亦無解釋徐仙民音介俗儒就為通云病疥令人惡寒變而成虐此臆說也疥癬小疾何是可論寧有患疥轉為



慮乎。朱曰：疥當為瘰，小瘰也。疔，大瘰也。初患小瘰，後乃變為大瘰也。

同。彊，易其賄。

朱曰：此言縣鄙從政之人為大夫強抑以移易其貨賄也。

同。古之遺愛也。

賈逵曰：愛，惠也。

二十一傳：死，凶有命云云。

言往我謂費遂死，凶有命而費遂因此以凶其子，是我凶之也。今又逐龜，此吾再凶之也。故不欲為

也。

同。君若愛司馬，則如亡。

言君雖愛費遂，然龜將納凶人而殺君，君若不逐龜，則莫如凶去死而可逃，不患凶走之遠也。

同日有食之，不為災。

謂水火等之災也。為，猶作也。生也。二分之時，日月俱在中道，故云同道。二至之時，日月南北絕相懸，故云至相逼也。

同。厨人濮曰：吾小人可藉死。

藉，如藉用白茅。藉，玉藉牛之藉。濮，意不欲出凶而



欲死戰以決若不勝公亦當死己宜先死以為其死之藉也訓借謬

同翟懷新云云

華姓傳譏其無耻也註非

二十二傳無寧以為宗蓋

謂出華氏也不能滅華氏是宋國之耻然以此為憂患不如出之而弭其憂故云無寧

同賓孟適郊云云

外傳曰賓孟適郊見雄雞自斫其尾問之侍者曰憚其犧也遽歸告王曰吾見雄雞自斫其尾而人

曰憚其犧也吾以為信畜矣人犧實難已犧何害抑其惡為人用也乎則可也人異於是犧者實用人也王弗應章昭曰雞畏為宗廟之用故自斫其尾此誠六畜之情不與人同人犧謂雞也為人作犧實難言將見殺也己謂子朝己自為犧當何害乎人君冕服有似於犧故以喻焉雞惡為人所用故斫其尾可也自可尔也人異於雞也人之美則宜君人事宗廟也用人猶治也人自作犧則能治人王弗應者曉其意畏大臣也雞之為犧在為人所殺故憚之人之為犧則在能治人異於雞但人



以己為犧則患也己自為犧則無所憚也

同閔子馬

已見十八年於此言之亦杜氏之疎

二十三傳子服同在

子服回已見

同苑羊牧之

已見

同吳太子諸樊入郢

王震曰孔陸皆云諸樊字誤史記作公子光是也太子諸樊與伯祖父同名夷俗自然不足怪也

同伐吳以徼之

徼者徼夫入及審器也

二十四傳陽不克莫將積聚也

註不穩愚謂莫屬下句語辭也言得無將積聚乎亦未自是

同吳人踵楚而邊人不備云云

史記王僚九年云子光伐楚拔居巢鍾離初楚邊邑卑梁氏之處女與吳邊邑之女爭桑二女家怒相滅兩國邊邑長聞之怒而相攻滅吳之邊邑吳王怒故遂伐楚取兩都而去



二十五傳五牲

牛羊豕犬雞也麋鹿麇狼兔是獸名非姓名養之曰畜用之曰牲其實一也何必別

同文武之世

按文武史記作文成賈逵曰文成魯文公成公也

同季氏介雞

史記季氏芥雞介雞介氏金距服虔曰擣芥子播其羽可以至介雞目金距以金鎔距

同內子與母弟叔孫

卿之嫡室曰內子叔孫母弟之名

廿六傳註云豐賈二人皆季氏家臣

然則從女是其氏歟竊謂申豐隨婦人之賈者以造齊師也

同甚口

甚有口辨也武子罵故云正義云大口也不是

同敗親速讐

朱曰不立壬是敗親也非也親謂秦也不立壬是敗秦之親二句言敗外援之親則速讐亂君王之嗣則不祥也

同伯服為攜王



詳見于疏

同帥群不弔之人

杜氏訓為至恐非余謂弔愍也不見愍於昊天之人也謂尸位空官之者詩曰不弔昊天不宜空我師亦譏尹氏空位也又按不弔之人謂不弔恤於人之徒也成公十三年晉侯絕秦絳云無祿文公即世穆為不弔蔑死我君寡我襄公云云

同恩肆其罔極

王震曰肆其無窮之私心罔極不中不正也詩云士也罔極諛人罔極

二十七傳聘于上國

上國謂中國也

同罇設諸曰王可殺也母老子弱云云

罇設諸史記作專諸專亦作剽世家曰王僚可殺也母老子弱而兩公子將兵攻楚

絕其路方今吳外困於楚而內空無骨鯁之臣無

奈我何光曰我身子之身也傳作是無服虔曰母

老子弱也索隱曰依王肅解與史記同於理無失

服虔杜預見左傳下文云我尔身也以其子為卿

遂強解是無若我何猶言我若是何語不近情過



為迂回非也左傳直云王可殺也母老子弱是無  
若我何則是專諸度可殺言其少援助故云無奈  
我何太史公採其意且據上文因復加以兩弟將  
兵外困之辭

同夾之以鉞

史記索隱曰劉逵吳都賦註鉞而刃小刃音披

同抽劍刺王

刺客傳既至王前專諸擘魚因以匕首刺王僚索  
隱云刺七賜反

同非我生亂立者從之先人之道也

評云即先正先賢之謂

同或取一編管焉或取一秉杆

鼎謂取管取杆二句亦令辭也國人投之言雖姑

取管杆亦旋投弃之也

二十八傳其亦使逆君

註誤言晉將逆之也

同祁氏私有討國何有焉

祁氏有私討事於國家何有也

同申公巫臣氏

巫臣不宜稱申公辨見于前



同生伯封云云

朱曰封大也因其名伯封號為封豕

同有尤物足以移人

朱曰夫有尤之物足以動移人之心情

同苟非德義則必有禍

朱曰苟不能以足乎己之德合宜之義而自制其

心則必為異日盪惑禍亂之階矣

同德正應和曰莫

朱曰其德正靜民皆應和是為莫然清靜

同擇善而從之

已從之也注非

同冬梗陽人有獄云云

外傳梗陽人有獄將不勝請納賂於魏獻子獻子

將許之閻沒謂叔寬曰與子諫乎吾主以不賄聞

於諸侯今以梗陽之賄殃之不可二人朝而不退

獻子將食問誰在庭曰閻明叔襄在召之使佐食

比已食三歎既飽獻子問焉曰人有言曰唯食可

以忘憂吾子一食之間而三歎何也同薛對曰吾

小人也貪饋之始至懼其不足故歎中食而自咎

也曰豈主之食而有不足是以再歎主之既食願



以小人腹為君子之心，屬厭而已。是以三歎。獻子曰：善，乃辭梗陽人。註云：梗陽，魏氏之邑也。獻子，晉正卿，成之父，舒也。閻，沒閻明叔，寬女，齊之子，叔。襄也。皆晉大夫，屬適也。厭，飽也。已，止也。適，小飽足，則自節止。

二十九傳來，言公稱主君。

服虔曰：大夫稱主，比公於大夫故稱主君。

同賦，晉國一鼓鐵以鑄刑鼎。

王震曰：三十斤曰鈞，四鈞曰石，四石曰鼓。出家語。

王肅註。

同註入朝歌以叛。

以叛，下脫傳字。

三十一傳在一言矣，君必逐之。

言逐季孫者不待多言，則君當決意答知伯以逐。

同不能見夫人已。

已語，辭屬上句，朱屬之下句，誤。

同上之人能使昭明，云云。

屬下句，司馬遷曰：後有王者事而開之，春秋之義行則天下亂，臣賊子懼，焉是也。孟氏則直以為天子之事，而以已繼之，誣哉。



三十二經註不書盟

不書盟者城事重也公在外未必事二告之

定公元傳將以城成周云云

將使王室有所建立也故云將立天子杜云立之

居謬矣

同韓簡子

已見

同啓寵納侮

朱曰開啓寵人過其本分則納受侵侮商書說命

有此言

同如闕公氏將溝焉

闕公氏猶言闕之公墓也一說闕屬上句未是朱

曰公氏猶言公灰之家宅也孫鑛曰是倒字法若

云將溝公氏即順矣並見正義公氏謂昭公時未

有謚故謂之公氏

同久又惡之以自信也

朱曰信明也自明己不臣之迹也

四年傳晉人假羽旄於鄭

羽旄考姑闕可也杜以臆說未必然

同嘖有頌言



按責爭言，免註云至也，恐誤。王震曰：煩，亂也。

同夷叔，其母弟也。

夷，謚叔字也。

同不敢以約為利。

約，疑窮約之約。

同申包胥曰：勉之，子能復之。

勉之，相勉之。薛林氏謂勉，子胥非也。

五年經於越入吳。

於越，其國語中，因謂之越也。國名何有發聲。

同傳以保路國于胥洩。

孫鑛曰：保路，非是。保安路，人蓋王由此入，恐路為

吳所斷，杜註立國，胥洩保安道路，人誤。

同城不知高厚，小大何知。

朱申高厚小大為句，何知為二字，句註曰：當復與

知何事，恐非此，說詳見正義。

六年傳：寡君有官將使其人。

言寡君自為舉人之官，官職有缺，使其官舉其人，

以補之也。

七年傳：館于公族，黨氏。

公族，氏黨名氏家也，註非。



八年傳俱斃

斃是前覆卻倒之通稱正義之說迂甚杜意未必然蓋云斃嫌死故杜注仆耳

同主人出師奔

魯師奔走退却也賈逵之說為然當從杜異於此而正義辨之未是蓋奔與敗未全同奔者不可遂言敗耳

同桓子咋謂林楚

咋字彙云士詐切音乍暫也又側格切大聲韻會云側駕切音詐語聲又側革切大聲也玉篇云側

革切聲大也

同魯人聞余出喜於微歿

朱曰魯人謂季氏愚謂微歿字見上言喜免微歿也是藏字法註恐非又謂微歿言自速歿也與上文同

九年傳得用焉曰獲

獲而後有所用也用猶用于社之用囚俘或獻于廟或歸于京師謂之用麟生物囚俘之類故亦謂之獲

同陽虎欲勒齊師也云云



欲字貫下至詐謀執勞也己陽虎也詐謀圖齊也  
同東郭書讓登

使人先登也讓而左右並登也使登者絕而後下  
亦弥之言言後者無復有登者而後我與汝先入  
城也

同如驂之靳

按靳當膺也杜云車中馬蓋臆說不可取也驂不  
必與服馬對云

同其帥又賤註帥謂東郭書

帥不必謂東郭書其帥賤故名氏不書東郭書非

帥也

同得敝無存者以五家免

林氏言得敝無存之尸者愚謂不然此蓋未知其  
死生也故下云乃得其尸

十年傳裔夷之俘

王震曰萊已滅故云裔夷之俘

同而不反我汶陽之田云云

或訓而汝非也而接上辭是以此辭續上文如此  
盟之下故云亦如之

同饗而既具



朱曰設使享禮已備既盡也具備也既具言儀象嘉樂皆備也

同乃退反役

乃退涉沱退也反役班圍衛之師也

同對曰非寡君之望也所以事君封疆社稷是以

朱曰荅言齊之致郕出於魯之望外魯所以服事

齊君者為封疆社稷之所託

十三傳富而不驕者鮮云云

是凡論也當時諸臣多驕而文子獨否驕而不

者未之有也是亦汎論也當時諸臣之驕者後必

匹矣而戍則與焉

十四傳盍婦吾艾豨

五雜俎云左傳云云艾豨牽牲豕以行淫者也方

言云燕朝鮮之間謂之豨關東謂之彘詩一簇五

豨是也故以男子之淫於它室者名之秦始皇會

誓碑作宰豨

同遂滅過戈

按過戈之事見於襄四年

哀公元年傳祀夏配天不失舊物

服虔曰以斂配天也賈逵曰物職也杜云物事也



朱云不失禹之天下也。鑒謂物者，蓋謂禮之物件也。

二年傳以兵車之旆與罕駟兵車先陳。

兵車之旆之猶與也。旆見莊二十八年自後隨而從之，就晉人而陳也。陸粲曰：與罕駟兵車五字衍。同志父無罪云云。

帝昭曰：志父，簡子之後名也。春秋書趙鞅入于晉陽，以晉陽以叛，後得反國，故改為志父。同大命不敢請佩玉，不敢愛。

王震曰：死生人命不敢請佩玉，禱神不敢愛。

同我兩鞞絕云云。

外傳云：吾兩鞞將絕，吾能止之。駕而乘材，兩鞞皆絕。註曰：鞞，鞞也。能止馬，徐行故不絕。乘，輶也。材，橫木也。鞞音胤。

同哭而遷墓。

遷墓改葬也。秋改葬，至冬人乃遷耳。

三年傳南宮敬叔。

敬叔是孟懿子之昆弟名。說何必言孔子弟子，何必言南宮闕。

同表之橐。



蓋以黨為表故云表之黨不必解為黨積

四年經宋人執小邾子

稱人者是孔子之所書告辭豈稱人乎

同傳如牆而進

魚貫而進也

五年傳師乎何黨之乎

朱曰師衆也言衆公子也重言之者哀之甚也余

謂是似言齊國之衆訓黨為所恐亦非

六年傳謀潛師閉塗云云

史記伏師閉塗迎越女之子章立之是為惠王然

後罷兵歸葬惠王正義曰潛師密往迎也閉塗防

浙外寇索隱曰閉塗即攢塗也故下立惠王後即

罷兵歸葬杜服說非

同楚昭王知大道矣云云

疏云大道本或作天道非愚謂作天道者是也昭

王之事與所引二書可以見矣出茲在茲言禍福

由己也不必以信與福鮮尤辭也書大禹謨有此

句由己率常蓋孔子之言也

七年傳魯德如邾而以衆加之可乎

竊謂魯德如邾仍諸大夫之辭也可乎猶言其可



也。

同魯賦八百乘君貳也邾賦六百乘君之私也

貳副也魯八百乘吳君副車之數邾六百乘私屬

之數亦言吳強大也魯賦於吳八百乘邾賦於吳

六百乘事見哀十三年

八年經註無旨使也

旨使疏本作宮使

同傳必有與斃

謂晉齊楚也與立與斃非謂國內也

同以伐武城克之云云

劉炫謂實克武城是也國人謂國內人非獨謂武

城也蓋國人不知郟人為導而疑子羽之父也且

懼吳之得內應以進者不止此也

十一傳不屬者非魯人也

屬謂屬於季氏之師也言魯人無不屬者也與相

如傳云所不足者非財也語理正同又謂屬者非

屬季氏屬帥師者也

同大不列於諸侯

列字與烈通

同就用命焉



就就有道之就須能就已而用命也

同奉甲從君而拜

言衣此甲從君之進軍以拜其賜也從去聲

同屬其子於鮑氏為王孫氏注改姓為王孫

當時氏姓未混不可謂王孫為姓

同娶于宋子朝

蓋靈公所為南子名者也

同文子遽止之

遽傳也

同施取其厚事舉其中

朱曰其施弔也寧過於厚其舉政事必得其中其取賦斂於民也但從其薄

同且子季孫

朱曰且汝之季康子非也子者尊之辭越語云子

范子亦是也夫子未嘗稱門人以子焉未誤矣

十二傳盟所以周信也云云

周徧也以玉帛以言辭以明神以軟血是其所以

周徧也心以制之制其事也乃謂盟也

同從之固矣

固固也固矣二字為句朱申以四字為句解曰是



固其志以從夷狄也恐非

十三傳王惡其聞也

惡其改之聞於外也其字非指諸侯指其敗也

同反曰肉食者無墨云云

外傳云董褐告趙鞅曰臣觀吳王之色類有大憂

主其許之先無以持危趙鞅許諾乃令董褐復命

吳王許諾乃退就幕而會吳公先軟晉侯亞之常

昭曰董褐晉大夫司馬演也

同梁則無矣

朱曰梁精米也

十四經西狩獲麟

西狩公狩也故叔孫氏之車子獲麟焉不書狩者

何怪

同傳盟諸陳於陳宗

按服虔曰陳宗宗長之豕又曰公孫齊大夫太史

子餘亦齊大夫東郭賈子我黨大夫也

同註目望陽

孔子家語有望羊蓋望洋也

同子行曰彼得君云云

服虔曰彼謂闕止也子謂陳常也



同成子兄弟四乘如公

按史記索隱云四乘謂弟兄四人乘車而入非二人共乘也服虔杜預失之而以御鞅為陳氏之族皆據系本言

同將殺大陸子方

即東郭賈大陸是何稱當考

十五傳非君與涉人之過也

朱曰非吳君與舟人濟涉之過也

同吾受命矣

朱曰我受命使楚矣

同稱姻妾以告

稱姻妾者良夫知其名氏故取以詐也非直自稱且姻妾

同遂劫以登臺云云

登臺服虔曰於衛臺上召衛群臣行爵食矣亦甯使召季路乃行爵食矣召護奉衛侯召獲與亦甯將飲酒者故行爵食矣而後奉衛侯也同弗及不踐其難

史記作不及莫踐其難賈逵曰家臣憂不及國不得踐履其難鄭衆曰是時輒以出不及事不當踐



其難子羔言不及以為季路欲死國也服虔曰食  
俚之祿欲救俚之難此明其不死國也  
十六傳昊天不弔云云

王肅曰弔善也鼎按弔愍也卹也詩曰不弔昊天  
亂靡有定又襄十四年公使厚成叔弔衛侯云聞  
君不撫社稷而越在他竟若之何不弔是也音多  
嘯切如訓至則音的愍魚愍切訓強亦通詩云不  
愍遺一老俾守我王註曰愍者心不欲而自強之  
詞是也又按襄十三年臧紇自邾使告云敢告不  
弔杜云不為天弔恤何忘前語

同周仁之謂信

王震曰周仁猶云周于德

同其亦夫有奮心

朱曰人人皆奮討賊之心

同奔穎黃氏

蓋寧其地者不然何以氏言之

十七傳註己氏戎人姓

姓字可刪

二十傳嗣子不廢舊業而敵之云云  
不廢舊業絕句而敵之讀屬下句



左傳考卷三  
同黷也進不見惡云云

朱曰言黷之為人進在朝廷而無怨惡之者退而居私室而無誹謗之言王震曰進退以時人無謗惡之者

廿五傳以其祭賜彭封弥子

以幣分賜彭封弥子二人也

廿六傳會越臯如后庸

臯如后庸是二人故下言臯如明年言后庸

同而國於何有

朱曰又何難於得國乎蓋何有或為不願之辭或

不難之辭

左傳考卷之三終







